

Docih Mwngz, Doengzhag Iq

谢谢你，小同学

武鸣县太平镇庆乐小学四年级33班 黄新程



Yawj daengz diuz daezmoeg neix, gou nyaenx mbouj ndaej siengj hwnj boux doengzhag iq mbouj rox mingzcoh ndeu.

Dauqngex bi gaxgonq, mbwn lamzsuemsuem, va hoengzswdswd, doengh gij doxgaiq seiqhenz cungj dwg yienghneix gyaunde. Aen dou duzsuhsiz ndaw hagdangz hai lo, gyoengq doengzhag lumj duzroeg ngamq ok roengq nei, ceng gonq lau laeng cung haeujbae. Gou caemhdwg ityiengh, haeujbae le, senj ndei giz deihfueng dep henz cueng ndeu, ngamq

naengh roengzdaeuj, gou couh raen gwnz gyaqsaw miz bonj saw gyaue ndeu, gou couh ganjgip iet fwngz okbae, siengj yot de okdaeuj, hoeng de lumjnaeuz deng gijmaz doxgaiq nep dawz nei, baenzlawz hix yot mbouj okdaeuj. Gou huj lo, couh yungh rengz rag de, “ga—ca—” sing ndeu, saw deng gou rag okdaeuj lo, hoeng, gij fungmienh ndei yawj haenx deng faen baenz song mbiengj lo, gou dingdingh ndwn youq gizhaenx, mbouj rox yaek baenzlawz guh. “Daeggo, mwngz sik bonj saw neix vaih lo!” Gij singyaem iqetet ndeu cienz haeuj ndaw rwz gou. Gou ngiengx gyauej baez muengh, yienzlaiz dwg boux doengzhag iq naengh youq henz ndang gou haenx naeuz gou. Cehda gou youh yawj dauq daengz bonj saw deng gou sik vaih haenx, “365 Aen Gojgaeq” geij cih saw lwenqda neix ingj haeuj ndaw da gou. Seizneix, boux doengzhag iq neix caemh hai aen daehsaw, dawz bonjsaw 《365 Aen Gojgaeq》 ndeu ndenq hawj gou, naeuz: “Daeggo, mwngz aeu bonj saw neix boiz hagdangz ba, bonj saw deng sik vaih neix, couh aeu hawj gou suenq lo.” Gou gig doeksaet, laihnaeuz bonjfaenh dingq loek lo. Mbouj! Neix dwg caen! Dang gou caiq baez ndeu dingqnyi gij sing iqetet neix seiz, ndaw sim baez ndat, gikdoengh dwk naeuz: “Docih mwngz lo, doengzhag iq!” Hoeng gou lij caengz ndaej cam gij mingzcoh de, de couh lumj duz douqlwg ndeu ityiengh diuq okbae lo. Muengh gij ngaueuz daemqded iqet haenx, gou roxnyinh caen dwg gig dwggyauez.

Seizneix, moix baez gou dauqngex mwhhaenx, ndaw sim raejruhub, hawj gou caiq gangj sing ndeu: “Doengzhag iq dwggyauez, docih mwngz.”

(指导老师:刘丽娜)



Doengzhag Gou

我的同学

环江毛南族自治县
思恩镇清潭小学 覃政凡

Doengzhag daiz laeng gou heuh guh Siujfeih. De mboujdanh yozsiz ndei, lij gyauez bangcoh bouxwnq.

Ngoenz ndeu yaek cuengqhag seiz, gwnzmbwn sawqmwh doek fwn hung roengzdaeuj. Ngoenzhaenx gou mbouj daiq liengj, cuengqhag lo, raen gyoengq doengzhag wnq cungj cengq liengj baema ranz lo, gou gip dwk yaek daej okdaeuj. Seizneix, Siujfeih byaij gvaqdaeuj doiq gou naeuz: “Danghnaeuz mwngz mbouj yiemz, raeuz caez yungh aen liengj neix ba!” Gou angq dwk naeuz: “Ndei ha! Docih mwngz.” Yienghneix, gou caeuj Siujfeih gungh cengq aen liengj haenx baema ranz. Youq gwnz loh ma ranz, de itcig dawz liengj nyoengx gvaq mbiengj gou, caj de soengq gou ma daengz ranz, gou cij fatyienh gwnz ndang gou di hix mbouj dumz, hoeng ndang de mbiengj ndeu cungj dumz lo. Gou gikdoengh dwk doiq de naeuz: “Docih mwngz, Siujfeih. Mwngz yawj, buhvaq mwngz cungj dumz lo, haeuj ranz gou bae vuenh geu buh ndeu ba!” De sikhaek ngauz gyauej naeuz: “Mbouj youqgaenj, gou ma ranz vuenh couh ndaej lo, caiqraen.” Gangj sat, de cienq ndang couh baema lo. Yawj baihlaeng de yied bae yied gyaue haenx, gou gamjdoengh dwk raemxda lae roengzdaeuj lo.

Neix couh dwg doengzhag gou—Siujfeih, de ciengzciengz vih bouxwnq yienghneix ngeixsiengj, cigndaej raeuz vunz lai hagsib!

(指导老师:邓秀妮)



环江毛南族自治县西南小学四年级 韦佳佳

Diegcoj gou youq Hozciz, gizneix gingj gyaue lumj doz, seiq geiq va hai, dwg dieg ndei habngamj vunz youq ndeu. Gou gyaue diegcoj gou, engq gyaue yozyau swheij.

Gaijgwz hailangh daeuj, diegcoj gou caeuj daengx guek gak dieg ityiengh caez yamq haeuj ndaw langh ndathwngq foedfoed ginghci gensez, gunghcangj hung lumj rangz seizcin nei diegdieg cungj miz. Aenvih haifat gvaqbouh, gunghcangj daihliengh baiz ok hoenzien, hawj vanzging uqlah, ndoengfaex doiqvaq, raemx namh lae saet, faenzuq mbinbyang, caihaih ciengz miz……Diegcoj yienzbonj gyaunde haenx deng sieng ndaej saeknaj cungj bienq lo, vunz cungj mbouj miz sim bae yawj.

Daj swcigih yinzminz cwngfuj daezok guh “Gyaunde Gvangsiah ·

Seuqcingh Lajmbanj” hozdung le, gyoengqvunz lajmbanj cungj gaenx camgya haeuj ciengz hozdung neix daeuj, dawz guh seuq veiswng h lajmbanj hozdung guh ndaej hoenghhdwd. Seizcin, gyoengqvunz lajmbanj ndaem faex caux ndoeng, hawj diegdeih longz buhheu, hawj bya' ndoi cang ndangdaej; seizhah, sou haeux sat lo, gyoengqvunz lajmbanj dawz fiengzhaeux boiz hawj ndawnaz, demgya feizliu; seizcou, gyoengqvunz lajmbanj mbouj dwknyaen, gyaue duzroeg, henho h doenghduz; cin、hah、cou、doeng gyoengqvunz lajmbanj gag baujci z gyahyenz swng h dai bingzyaenx, vih gensez mbanjranz gyaunde yienh'ok faenh rengz swheij.

Vihliux ngoenzneix, vihliux ngoenzcog, vihliux gensez aen

siengjmuengh gyaunde Cungguek, caezgya cungj gyauezhoh diegcoj dou, gvnsim aen digiuz raeuz youq neix, daj gou guh hwnj, yungh saehsaed hengzdoengh hoizbauq daxmeh digiuz lo. Dangguh boux siuj hagseng, gensez gyaunde Cungguek, raeuz hix wnggai daj dajcauh swng h dai yauyenz hainduj. Raeuz ciengzseiz yawjraen miz haujai doengzhag gag youq ndaw yauyenz dieggungx gip naengmak gip ceij doek, hawj ndaw yauyenz moix dieg gungx cungj seuqsat. Hoeng lij miz di yienhsiengq ndeu hawj vunz sim' in, haenx dwg: Lij miz mbanj doengzhag luenh gveng ceij roxnaeuz daehsulu; lij miz mbanj doengzhag youq gwnz diegrum luenh caij luenh daemh, ndaw dieg nywjheu ciengz miz

nge faex raeak. Yauyenz dwg dieg hagsib raeuz, dwg aen suen raeuz vaiqvued majhung, dangguh boux hagseng ndaw yozyau, raeuz wnggai baujhoh dieg nywjheu ndaw yozyau, okrengz bae cienzboq gij lijnen saekloeg, yungh hengzdoengh rap hwnj aen rap naek gensez swng h dai yauyenz!

Ngoenzneix diegcoj bienq ndaej yied daeuj yied ndei lo, gij vanzging yozyau diegcoj hix bienq ndaej yied daeuj yied hawj vunz sim' angq lo. Gou gyaue diegcoj, engq gyaue yozyau diegcoj.

(指导老师:韦爱搬)